

聖境三千歲 仙花始一開 知何金籙會

併奉列真來

右七

几席延飈取 香燈建寶壇

丹心無可獻

碎錦灑雲端

右八

碧綠相差次

紅黃迷淺深 化工應自失

雕斲本何心

右九

洞案爐煙起 無爲道德香

同根無異氣 噴鼻更芬芳

右十

胎化靈禽亥九天 玉毛丹頂兩相鮮 世人莫

認歸華表來瑞昇平億萬年

右一

瑤臺風靜夜初分 仰喙驚鳴露氣新 太液徘徊

歸未得 曾於往劫作麒麟

右二

靈鶴翩翩下太清玉樓金殿曉風輕昂昂不與難爲侶 時作沖天物外聲

右三

三山碧海路非遙來瑞清都下紫霄霜雪羽毛米玉性瑤池深處啄靈苗

右四

金火純精見羽儀 長隨王母宴瑤池玉壇夜醮神仙降飛過 緇山人不知

右五

五雲宮殿步虛長斗轉旋宵夜未央白鶴飛

來通吉信清音齊遂返覓者

右六

一聲嘹唳九臯禽換骨輕清歲月深遼海等

閑人不識大羅天上有知音

右七

白毛鮮潔映霜華丹頂分明奪絳紗千六百

年神鬼就飛鳴長伴玉仙家

右八

蓬萊會散列仙歸羽鶴飄然白鶴飛明代爲

祥人慣見何須樂府誅金衣

右九

王宇沉沉瑞霧開香風未斷鶴徘徊奇姿會

與青田別定是仙人次第來

右十

金籙齋三洞讚詠儀卷下

黃帝陰符經頌

元

陽

子

領

皇

神仙抱一演道章上

觀天之道執天之行盡矣

在天垂象化元精

至道沖和在杳冥

得一觀天無別行

太陽元首盡分明

故天有五賊見之者昌

惠覺心通九一光

五星聚會入離鄉

若教浮世因修得

黃帝徒誇五賊昌

五賊在心施行乎天

五賊剋伏轉天關

次第分飛證九還

咫尺金華門豁啓

淮南王採不爲難

宇宙在乎手萬化生乎身

妙手能搏日月光

出身萬象卦牙黃

道之宇宙無瑕謫

不悟焉知坎離陽

天性人也人心機也

天利人和宇宙同

靈元豈是無情物

得路焉知成有功

立天之道以定人也

天一陽光顯照西

木三青氣以爲裏



正一天師清微弟子道學術貢

水銀不是真鉛力 次子如何認得主

天發殺機龍蛇起陸

天補將軍丙化權

太清海變蓬萊島

鎮在庚辛位獨專

人發殺機天地反覆

知之修鍊謂之聖人
仙骨能通上下真
鍊鉛若得流珠住
富國安民演法章中

天生天殺道之理也

人興殺氣布炎宮

既濟往來龍虎見

天人合發萬變定基

人天定蹟合雙弦

萬變既通神室內

性有巧拙可以伏藏

積德圓成大辨音

目前雲路道非遠

九竅之邪在乎三要

有鼎防姦應八門

復爻運轉通消息

可以動靜火生於木

禍必漬

木生真火禍成恩

法象不全仁義充

路元何處覓奸門

人知其神而神不知不神而所以神也

功道由來立紀綱 有神須假法威光

白金晦跡誰能測 太一知來助聖皇

日月有數大小有定聖功生焉神明出焉

魂魄靈蹤九一興 復還交媾定相應

聖功漸覺杳氣郁 神裏來官必上昇

其盜機也天下莫能見莫能知也

萬萬神機功覆元 人人盡見莫能詮

積陰居解陰知悟 石火光中得遇蓮

君子得之固窮小人得之輕命

道士防姦鍊鼎心 刀圭變老旋填陰

愚夫小利天官法 輕命唯崇點化金

瞽者善聽聲者善視絕利一源用師十倍

視聽行師絕利源 華池截頸削奸煩

強兵戰勝演術章下

智者善聽聲者善視絕利一源用師十倍

視聽行師絕利源 華池截頸削奸煩

採鉛百日仙鄉近 立降流珠封子桓

三反晝夜用師萬倍

日月年開曉夜光 劍時三濟幾相當

算來萬倍功成歲 顯是長生太上皇

心生於物死於物幾在自天之無恩而大恩

生迅雷烈風莫不森然

自分萬望掌乾坤

泄在森然思在已

至樂性餘至靜則兼

畢功瀟洒雜叢謹

任意遨遊逸道源

守訥固閭廉已靜

一錠丹飯壽千年

天之至私用之至公禽之制在氣

天之制禽飛入神

舉之功用未惟新

卯生金玉潛通碧

戌亥爲良火要津

生者死之根死者生之根

有生根死死爲神

殺未成丹活得人

若離五行應不盜

未通元理卒難陳

恩生於害害生於恩

月魄恩生胞在難

又憑庚氏奪金姿

當從害上恩生恩

特地全由五兆龜

愚人以天地地理聖

從凡入聖歷崎嶇

袞芥投峯還自住

我以時物文理哲

平地有鉛鉛皇錫 但窮天理妙斟量
自然之道靜故天地萬物生
二儀交泰氣調和 物象形鑄似琢磨
動靜全由鳥兔力 易元我在石人歌
天地之道浸故陰陽勝
地昇天降理元珠 入妙還同水躍魚
陽動陰消神自聖 日魄月魄昧來無
陰陽相推而變化順矣
相生相剋互包藏 變化鉛飛石鍊銅
否極泰來歸順矣 眼前誰不是陰陽
是故聖人知自然之道不可違故因而制之
神仙制氣指元機 金石陰陽不可違
惠用一門先聖易 自然鼎道合天機
至靜之道律曆所不能契鳥獸之位也爰有
奇器是生萬象

陰陽相勝之術昭昭乎
姹女求媒欲住頰 黃君聽聖直臨軒
相攜同入金華頂 盡日乾坤掌內關
進乎象矣

回顧塵凡好忖思 進程有路會仙岐
但求已上陰符理 天道分明有見知

黃帝陰符經頌

全陽至靜道沖虛 本末寧敷律曆拘
橐籥既無藏鳥獸 彼中方有混元圖
八卦甲子神機鬼藏 離頭坎水吳金精
甲會丙壬乾鬼藏 庚辛機艮必坤成